

اوزه رلیگ

توپلایان: صمد شفیع زاده

آذربایجان خالق آراسیندا اوزه رلیگه موناسیبت، بیتگی - ه ستایش قالیغی اولماسینا باخمایاراق، خلقین اینامینا گوره، اوزه رلیگ آدامی گؤز دیمه دن، بد نظر دن قوروپور. اونون توستوسو خسته لیک لری شفا وئریر. اوزه رلیگ ین معالجه اهمیتی حاققیندا الیمیزده اساسلی علمی معلومات واردیر. خالق اؤز تجروبه سی نتیجه سینده اونو معالجه اهمیت ینی باشادوشموش، سیناقدان گنچیرمیش و تورکجه چارا کیمی طبابت ده اوندان گنیش استفاده ائتمیشدیر. خالق آراسیندا بئله بیر اینام وار کی؛ هر نه تزه اولورسا اونا گؤز دیمه سین دئییه اوزه رلیگ آسارلار. تزه تیکیلن بینالارا اوزه رلیگ دن بزه نمیش گؤزه ل ناخیشلی تابلولار آسارلار.

اگر بیری خسته له نیرسه و یاخود هر هانسی بیر بلا اوز وئرسه صبح تئزدن بیرسی ینددی قاپیدان علی الخصوص مسجد قاپیسی، حمام قاپیسی، عمومی گنچید و مئیدانلاردان خیردا آغاج ویا چوپ بیغار. وبو ایشی گوره رکن ده دانیشماقدان و دالینا باخماقدان چکینیر. سونرا او ینددی چوپو اوزه رلیگ له یاندیرارلار و آخیردا اله گلمیش کولو، خسته و یا بلا گورموش شخصین ینددی یثرینه و داها چوخ آنلی، دیرسکلری و ایکی قولو آلتینا سورتلر. داها سونرا قالان کولو چوله توکورلر؛ کی اوردان گلیب، گندن اونون اوستوندن گنچسینلر.

سهند کؤچرلی آراسیندا بئله بیر دب واردیر؛ بیری خسته لرنکن اونا گؤز دیدیگینی ظن ائتسلر، چوره ک خمیریندن بیر آزینی قوپاراق نظر ووراین، اوزه رلیگ له اودا آتارلار. تندیرده، اوزه رلیگ چیرتلیاراق سسله نیرسه، بئله ظن اولونور کی خسته یه گؤز دیمیش ایمیش و چیرتلاما سس ایله اونون اثری ده اورتادان گنده ر و خسته تئز لیک له توخدا یا جاقدیر. اوزه رلیگ یاندیرارکن آتا بابالاردان یادگار قالمیش شعرلر و بایاتیلار اوخونور. اوشعر و بایاتیلاردان نومونه لر؛

"اوزه رلیگ سن هاواسان / هر بیر درده داواسان / درد، قاپیدان گلنده / سن باجادان قوواسان"

"اوزه رلیگ سن هاواسان / هر بیر درده داواسان / بالاما کچ باخانین / گؤزلرینی اوواسان"

"اوزه رلیگ سن هاواسان / هر بیر درده داواسان / اوزه رلیگ لر چیرتلا سین / یامان گؤزلر پیرتلا سین"

"آلتی یاشیل اوزه رلیگ / دونو یاشیل اوزه رلیگ / بالالاری مین، قادا بالاسین / داغلار آشیر اوزه رلیگ"

"اوزه رلیگ دنه - دنه... باغیریم یاد اولدو گننه / قوهوم اولای یاد اولای / گؤزو بو، اود دا یانا"

"اوزه رلیگ دانا - دانا / اوجاق دان گؤتورسانا / نظری بد اولانین / گؤزلری بو اود دا یانا"

"اوزه رلیگ دانه - دانه / توکولسون چکی جانه / اولی قوهوم قارداش / سوراکی یاد و بیگانه"

"اوزه رلیگ ین آدی وار / یاندیرسان فایداسی وار / توستوسون وئر بدنه / هر درده داواسی وار"

"نئشتری دؤز ووران وار / قونشودا گؤز ووران وار / آتین اوزه رلیگ اودا / اوشاقا گؤز ووران وار"

"آددیمی می ینکه آتدیم / آتدیم آرزوما چاتدیم / دئی کی گؤزون چیخسین / اودا اوزه رلیگ آتدیم"

"اوزه رلیگ سن گوملی سن / باشی قارا بورکلی سن / بیر، ایکی، اوچ، دؤرد / بئش، آلتی، ینددی سن"

"اوزه رلیگ سن هاواسان / مین بیر درده داواسان / هانسی ائوده سن اولسان / قادا، بلا سوارسان /

درد قاپیدان گلنده / سن باجادان قواریسان / باشی بورکلی اوزه رلیگ / دیبی کؤکلی اوزه رلیگ / سنی سالام اودا، گوروم حؤکمون اوزه رلیگ /

چارشانبا اولانین گۆزو، جومعه آخشامی اولانین گۆزو، شنبه اولانین گۆزو، شنبه صاباحی اولانین گۆزو، هفته اوچو، چارشانبا
آخشامی اولانین گۆزو، آغ گۆز، قارا گۆز، آلا گۆز، گوی گۆز؛ قوهوم اول، یاد اول، گۆزلی بو اوددا یانا /
آی آت قاپان اوزه رلیگ / ائشک قاپان اوزه رلیگ / جمعی گیزلین دردلرین / درمان تاپان اوزه رلیگ"
"جبرائیل اکن اوزه رلیگ / میکائیل بیچن اوزه رلیگ / فاطمه یه زهرا خانیم / حسن - حسین - ه سالان اوزه رلیگ"
"چیخدییم منا داغینا، سسلدییم یا علی یا محمد / دئدی دردین نه دی بیچاره / گت اوزه رلیگ سال / اولسون دردیوه چاره"
"چیخدییم ساوالان داغینا / چیغیردییم یا محمد یا علی / دئدی نه یین وار چاره سیز / دئدییم بو درده چاره / دئدی باشی بورکلو
اوزه رلیگ / سلیمان حؤکملو اوزه رلیگ / سنین دردینه چاره"

یازی حاققیندا ایستک و گۆروش لری نیزی بیزیمله پابلاشین.

info@shafizadeh.net & shafizadeh_f@yahoo.com

➤ یازی نین عنوانی: اوزه رلیگ

➤ توپلایان: صمد شفیع زاده